

বাংলা—প্রথম ভাষা

প্রথম পত্র

নতুন পাঠক্রম

[নিয়মিত ও বহিরাগত উভয় পরীক্ষার্থীদের জন্য.]

১। প্রতিটি উত্তর অনধিক তিনটি বাক্যে লিখে যে-কোনো তিনটি প্রশ্নের উত্তর দাও : [৩×২=৬]

১.১. “দান করয়ে জগজনে।”—কী দান করার কথা বলা হয়েছে?

১.২. “দৈন্যের দায়ে বেচিবে সে-মায়ে”—কোন মায়ের কথা বক্তা বোঝাতে চেয়েছেন?

১.৩. “অভিভূত আমরা ঘুমোতাম”—অভিভূত হয়ে ঘুমোবার কারণ কী?

১.৪. “তাই আমি পৃথিবীর রূপ খুঁজিতে যাই না আর”—‘পৃথিবীর রূপ’ খুঁজতে না যাওয়ার কারণটি স্পষ্ট করো।

১.৫. “সেই গল্পের ভিতরে একটি শিশুও ছিল।”—শিশুটির পরিচয় দিতে গিয়ে কবি কী কী বিশেষণ ব্যবহার করেছেন?

১.৬. “তাই আজ আমরা বিশ্বাস”—কোন বিশ্বাসের কথা কবি বলতে চেয়েছেন?

২. প্রতিটি উত্তর কম-বেশি ছটি বাক্যে লিখে যে-কোনো চারটি প্রশ্নের উত্তর দাও : [৪×৫=২০]

২.১. “বুঝিলা বাসবত্রাস!”—‘বাসবত্রাস’ শব্দের অর্থ কী? শব্দটিতে কাকে বোঝানো হয়েছে? তাঁর রোষের কারণ বুঝিয়ে দাও। [১+১+৩]

২.২. ‘এ জগতে হয়, সেই বেশি চায় আছে যার ভূরি ভূরি’—এই উপলব্ধি কার হয়েছিল? বক্তার এমন উপলব্ধি হওয়ার কারণ ব্যাখ্যা করো। [১+৪]

২.৩. “পদ্মকোশের বজ্রমণি ওরাই ধুব সুমজল”—‘ওরা’ বলতে কাদের বোঝানো হয়েছে? ‘পদ্মকোশের বজ্রমণি’ কথার অর্থ কী? ‘ওদের’ সম্পর্কে এ কথাটি কেন প্রয়োগ করা হয়েছে? [১+২+২]

২.৪. ‘আমারে দেখিতে যাইয়ো কিন্তু’—এই অনুনয় কে করেছে? কোথায় দেখতে যাওয়ার জন্য বলা হয়েছে? অনুনয়ের মধ্যে বক্তার যে মনোভাবটি ধরা পড়েছে তার পরিচয় দাও। [১+১+৩]

২.৫. “ভাঙতে এবার আসছে কি জাঠ কালাপাহাড়?”—‘জাঠ কালাপাহাড়’ কী ভাঙতে আসছে বলে কবি আশঙ্কা করেছেন? ভাঙার প্রসঙ্গে ‘জাঠ কালাপাহাড়’ শব্দ দুটি ব্যবহারের তাৎপর্য বুঝিয়ে দাও। [২+৩]

২.৬. “রূপকথার কোনো দেশ দেখিনি তো।”—কোন প্রসঙ্গে এই উক্তি? বক্তা ‘রূপকথার দেশ’ দেখতে পাননি কেন? [২+৩]

২.৭. “নির্ভয়ে উপেক্ষা করি জঠরের নিঃশব্দ ভ্রুকুটি”—‘জঠরের নিঃশব্দ ভ্রুকুটি’ বলতে কী বোঝানো হয়েছে? তা উপেক্ষা করা বক্তার পক্ষে সম্ভব হয়েছে কেন? [২+৩]

৩. কম-বেশি পনেরোটি বাক্যে যে-কোনো একটি প্রশ্নের উত্তর দাও : [১০]

৩.১. “বিভীষণের প্রতি ইন্দ্রজিৎ” কাব্যংশে ইন্দ্রজিৎ কোন্ কোন্ কারণে বিভীষণকে ধিক্কার দিয়েছেন, তা স্পষ্টভাবে বুঝিয়ে দাও। [১০]

৩.২. ‘পথের দিশা’ কবিতায় কবি দেশের সমকালীন পরিস্থিতি সম্পর্কে যে উদ্বেগ ও আশঙ্কা প্রকাশ করেছেন, তা বিবৃত করো। [১০]

৩.৩. ছেলের দলের অনেক ভুল, অনেক ত্রুটির কথা স্বীকার করেও কবি কেন তাদের নিয়ে সন্তোষ এবং গর্ব অনুভব করেছেন, সত্যেন্দ্রনাথ দত্তের ‘ছেলের দল’ কবিতার অনুসরণে তা ব্যাখ্যা করো। [১০]

৪. উৎস নির্দেশসহ প্রতিটি টীকা অনধিক চারটি বাক্যে লেখো। (যে-কোনো দুটি) : [২×২=৪]

৪.১. কমলা-শিব-বিহি-দুলহ প্রেমধন। ৪.২. পারিষদ-দলে বলে তার শতগুণ

৪.৩. ঘুঙুরের মতো তার কেঁদেছিল পায়। ৪.৪. ভেস্তু নাজেল হয়।

৪.৫. ভাঙাচোরা বুড়ি গলা। ৪.৬. ‘শান্তির ললিত বাণী’।

৫. কম-বেশি পনেরোটি বাক্যে যে-কোনো একটি প্রশ্নের উত্তর দাও : [১০]

৫.১. ‘লোহার ব্যথা’ কবিতার মধ্য দিয়ে কবি যতীন্দ্রনাথ সেনগুপ্ত সমাজের কোন্ শ্রেণির মানুষের যন্ত্রণাকে ভাষা দিতে চেয়েছেন, তা পরিস্ফুট করো। [১০]

৫.২. কেমন পরিবেশে পৃথিবীতে ‘চম্পা’র আগমন ঘটে? এই কবিতার মধ্য দিয়ে কবি জীবনের কোন্ সত্যকে প্রকাশ করতে চেয়েছেন? [৪+৬]

৬. নিম্নলিখিত যে-কোনো একটি বিষয় সম্পর্কে অনধিক ৫০ শব্দের মধ্যে প্রবন্ধ লেখো :

৬.১. প্রতিযোগিতার সুফল এবং সংকট। ৬.২. রবীন্দ্রনাথ ঠাকুর। ৬.৩. তোমার প্রিয় ঋতু। ৬.৪. প্রাত্যহিক জীবনে বিজ্ঞান ও প্রযুক্তি।

৭. চলিত গদ্যে বঙ্গানুবাদ করো : [১০]

Newspaper reading has become an essential part of our life. As we get up in morning, we wait eagerly for the daily paper. Twentieth century was an age of newspapers. Through newspapers we gather information about different countries of the world.

৮. যে-কোনো একটির উত্তর দাও :

[৫]

৮.১. ভাবার্থ লেখো (প্রদত্ত রচনার এক-তৃতীয়াংশ আয়তনের মধ্যে) :

পাতা যখন ঝরে যায়, বৃক্ষ যখন আধমরা হয়ে পড়ে, তখন প্রত্যেক গাছ আপন দীনতায় স্বতন্ত্র থাকে, কিন্তু যখন তাদের মধ্যে প্রাণশক্তির সঞ্চার হয় তখন নব পুষ্প নব কিশলয়ের বিকাশে উৎসবের মধ্যে সব এক হয়ে যায়। আমাদের জাতীয় ঐক্যসাধনেরও সেই উপায়, সেই একমাত্র পন্থা। যদি আনন্দের দক্ষিণ হাওয়া সকলের অন্তরের মধ্যে এক বাণী উদ্‌বোধিত করে তা হলেও যতক্ষণ সেই উদ্‌বোধনের বাণী আমাদের কর্মে প্রবৃত্ত না করে ততক্ষণ উৎসব পূর্ণ হতে পারে না। প্রকৃতির মধ্যে এই-যে উৎসবের কথা বললুম তা কর্মের উৎসব। আমরা যে আপনার মঞ্জুরী বিকশিত করে তা তার সমস্ত মজ্জা থেকে, প্রাণের সমস্ত চেষ্টা দিয়ে। কর্মের এই চাঞ্চল্য বসন্তকালে পূর্ণ হয়। মাধবীলতায়ও এই কর্মশক্তির পূর্ণরূপ দেখতে পাই। বসন্তকালে সমস্ত অরণ্য এক হয়ে যায় বিচিত্র সৌন্দর্যের তানে, আনন্দের সংগীতে। তেমনি আমরা দেখতে পাই সব বড়ো বড়ো দেশে তাদের যে ঐক্য তা বাইরের ঐক্য নয়, ভাবের ঐক্য নয়—বিচিত্র কর্মের মধ্যে তাদের ঐক্য। জাতির সকলকে বলদান, ধনদান, জ্ঞানদান, স্বাস্থ্যদান—এই বিচিত্র কর্মচেষ্টার সমন্বয় হয়েছে যেখানে সেইখানেই যথার্থ ঐক্যের রূপ দেখতে পাওয়া যায়। শুধু কবির গানে নয়, সাহিত্যের রসে নয়—কর্মের বিচিত্রক্ষেত্র যখন সচেতন হয় তখনই সমস্ত দেশের লোক এক হয়। আমাদের দেশও সেই শুভদিনের প্রতীক্ষা করছে। বক্তৃতার মিথ্যা উত্তেজনায় শুধু বাক্যে শুধু মুখে 'ভাই' বললে ঐক্য স্থাপিত হয় না। ঐক্য কর্মের মধ্যে।

৮.২. ভাবসম্প্রসারণ করো (কম-বেশি দশটি বাক্য) :

‘সবার উপরে মানুষ সত্য, তাহার উপরে নাই।’

৯. যে-কোনো একটির উত্তর দাও (অনধিক দশটি বাক্য) :

[৫]

৯.১. সংবাদপত্রে প্রকাশের জন্য নিম্নলিখিত বিষয়ে একটি প্রতিবেদন রচনা করো।
জলাভূমি ভরাট করার বিরুদ্ধে স্থানীয় মানুষের সংগঠিত প্রতিবাদ।

৯.২. প্রতিবন্দীদের সাহায্যের জন্য একটি অনুষ্ঠানের আয়োজন উপলক্ষে গঠিত সমিতির প্রাথমিক অধিবেশনের কার্যবিবরণী প্রস্তুত করো।

(শুধু বহিরাগত পরীক্ষার্থীদের জন্য)

কম-বেশি পনেরোটি বাক্যে যে-কোনো একটি প্রশ্নের উত্তর দাও :

১০

১০.১. কবি গোবিন্দদাসের অনুসরণে চৈতন্যদেবের মহিমার রূপটি ফুটিয়ে তোলো। ভগিন্য কবি নিজেকে ‘বঞ্চিত’ বলেছেন কেন বুঝিয়ে দাও। [৮+২]

১০.২. ‘উলঙ্গ রাজা’ কবিতা অবলম্বনে রাজার সামনে উপস্থিত স্ত্রীবকদের পরিচয় দাও। [১০]